

Araba lingvo

La **araba lingvo** (arabe: *العربية*, *al-'Arabijja*) estas semida lingvo (aŭ makrolingvo) kiu estas parolata en preskaŭ 35 landoj, precipe en sudokcidenta Azio kaj norda Afriko, de Atlantiko ĝis la araba-persa golfo. Estante semida, ĝi similas al iuj tre antikvaj lingvoj de sudokcidenta Azio, kiel la malta, hebrea, la akada, la aramea kaj la asiria.

La araba origine estis la lingvo de la nomadoj kaj la terkulturistoj de la Araba Duoninsulo, tio estas araboj, nome termino dekomence uzata por aludi al popoloj loĝantaj el Mezopotamio oriente al montaro Anti-Lebanono okcidente, kaj el nordokcidenta Arabio al Sinajo sude. Kun la alveno de la araba imperio kaj Islamo, ĝi ekspandiĝis, kun la arabigo de aliaj popoloj. Ĝi ankaŭ fariĝas grava religia lingvo, ĉar per ĝi oni legas la Koranon, la sanktan libron de la islamanoj. Dum la mezaj epokoj, la islama civilizo gajnis tre altan nivelon de kulturo kaj scienco, kaj la araba estis la perilo de tiu progreso. Trezoro da mezepokaj verkaĵoj estis verkitaj en la araba, kaj uzis ĝin sciencistoj tre diversaj, de Aviceno, perso de Buĥara, al Maimonido, judo de Kordovo.

Oni skribas la araban per la araba alfabeto, semida skribsistemo senvokala, kiu estis adaptita de la fenica skribsistemo. Ĝin uzas ankaŭ lingvoj en aliaj islamaj landoj, kiel la persa, urduo, kaj pasintec la turka (ĝis la 20-a jarcento) kaj eĉ la hispanaj kaj hebrea lingvoj. Nuntempe, kvankam la araba estas malpli grava ol pasintec kompare kun lingvoj de aliaj civilizoj, ĝi estas konsiderata, en sia normiga formo kaj dialektoj, unusola lingvo parolata de preskaŭ 422 milionoj da homoj (kaj indiĝenoj kaj ne-indiĝenoj) en la araba mondo,^[2] kaj estas unu el la oficialaj lingvoj de la Unuiĝintaj Nacioj. Ĝi estas la kvara plej parolata lingvo en la mondo (laŭ nombro de parolantoj de gepatra lingvo) kaj estas la ununura oficiala lingvo en pli ol dudek landoj kaj kunoficiala en almenaŭ aliaj ses. Ĝi estas la lingvafrankao de la araba mondo.^[3]

Ĝi ekzistas en diversaj lokaj dialektoj. Historie, la malta lingvo, parolata sur la eta mediteranea insulo Malto, devenis origine de la araba de Nordafriko. Hodiaŭ ĝi estas la sola semida lingvo, kiu uzas la latinan alfabeton, kaj kiu estas parolata en Eŭropo, de

<div>Araba lingvo</div> <div>العربية (<i>al-'Arabijja</i>)</div>	
Parolata en	norda Afriko kaj sudokcidenta Azio: <u>Alĝerio</u> , <u>Egiptio</u> , <u>Etiopio</u> , <u>Irano</u> , <u>Israelo</u> , <u>Irako</u> , <u>Jemeno</u> , <u>Maroko</u> , <u>Palestino</u> , <u>Sirio</u> ktp.
Parolantoj	315 421 300
Denaskaj parolantoj	295 milionoj ^[1]
Fremdlingvo / dua lingvo por	424 milionoj ^[1]
Skribo	araba
Lingvistika klasifiko	
Afrikazia	
Semida lingvaro	
Oficiala statuso	
Reguligita de	Akademio de la Lingvo Araba ĉe Kairo, Akademio de Lingvo Araba de Damasko, Suprema Konsilio de la Araba Lingvo en Alĝerio, Arabic Language International Council, Akademio de la Lingvo Araba de Israelo, Iraqi Academy of Sciences, Tunisian Academy of Sciences, Akademio de la Lingvo Araba de Jordanio
Lingva statuso	1 sekura
Lingvaj kodoj	
Lingvaj kodoj	
ISO 639-1	ar
ISO 639-2	ara
ISO 639-3	ara
Glottolog	arab1395
Angla nomo	Arabic
Franca nomo	arabe

kristana popolo. La araba estas skribita en la araba alfabeto, kiu estas abjada skribmaniero skribita eldekstre maldekstren, kvankam la parolataj variantoj estas foje verkitaj en ASCII Latino elmaldekstre dekstren sen normiga ortografio.

La araba lingvo enhavas kaj normigan varianton kiu loveblas en lego-skribado, en formalaj okazoj kaj en amaskomunikiloj (fuṣḥā aŭ moderna normigo - اللغة العربية الفصحى , amplekse bazita sur la klasika araba sed ne identa al tiu), kaj nombrajn konversaciajn dialektojn, kiuj foje povas esti nekompreneblaj inter si pra diferencoj kaj de vortotrezoro kaj de fonologio, dum ili pluhavas pli grandan kontinuecon en la sintakso.^[4] Ĝenerale, la dekoj de arabaj dialektoj dividiĝas en du ĉefaj branĉoj, maŝrekaj (orientaj) kaj magrebaj (okcidentaj). La plej komprenata inter araboj estas la egipta dialekto المصرية العامية, ĉar ĝi estas la araba lando plej loĝata kaj ankaŭ pro ties kinarta kaj televida produktado kaj pro ties arta kaj amaskomunikila agado ĝenerale.

La nomo de tiu lingvo en la propra araba lingvo estas [al-luga] al-‘arabiyya (la araba [lingvo]), kvankam en kelkaj dialektoj kiaj la egipta ĝi nomiĝas simple ‘arabī (vir-genre).

La araba influis super multajn lingvojn tra la tuta mondo laŭlonge de sia historio. Kelkaj el plej influitaj lingvoj estas la Persa, Turka, Urdua, Kurda, Bosna, Kazaĥa, Bengala, Hindia, Malaja, Maldiva, Indonezia, Paŝtuna, Panĝaba, Tagaloga, Sinda kaj Haŭsa kaj kelkaj lingvoj en partoj de Afriko. Dum la Mezepoko, la literatura araba estis grava ilo de kulturo en Eŭropo, speciale en scienco, matematiko kaj filozofio. Kiel rezulto, ankaŭ multaj eŭropaj lingvoj havas pruntitajn multajn vortojn el ĝi. Multaj vortoj de araba deveno troviĝas ankaŭ en antikvaj lingvoj kiaj la Latina kaj Greka. Araba influo, ĉefe en vortotrezoro, videblas en eŭropaj lingvoj, ĉefe en la Hispana pro kaj proksimeco de civilizacioj de kristana eŭropanoj kaj islamaj araboj kaj pro 800 jaroj de arabaj kulturo kaj lingvo en la Iberia Duoninsulo, referencata en araba kiel al-Andalus. Ankaŭ balkanaj lingvoj, kiaj la Greka, akiris gravan nombron de arabaj vortoj ĉefe pere de kontakto kun la Otomana Turka.

La araba ankaŭ prunteprenis vortojn el aliaj lingvoj kiaj la Greka kaj la Persa en mezepokaj tempoj, kaj de nuntempaj eŭropaj lingvoj kiaj la Angla kaj la Franca en modernaj tempoj.

Enhavo
Geografio
Ortografio kaj prononco Rilato kun aliaj semidaj lingvoj
Gramatiko Vortokonstruo Nomoj kaj adjektivoj
Dialektoj de la araba lingvo Ekzemploj de dialektoj
Variantoj La klasika araba La post-klasika araba La moderna normiga araba
Ekzemploj de ĉiutagaj esprimoj
Socia uzado
Pruntovortoj

Arabigo

Bildaro

Referencoj


Literaturo

Bibliografio en aliaj lingvoj


Vidu ankaŭ

Eksteraj ligiloj

Geografio



Disvastiĝo de la arabaj denaskuloj tra Afriko: kiel plimulto (verda) kaj malplimulto (helverda).



La landoj kie oni uzas la araban: kiel ŝtatan lingvon (verde) kiaj kiel unu el la ŝtataj lingvoj: por plimulto (malhelblua) kaj malplimulto (helblua)

Diversaj variantoj de la araba lingvo estas uzataj kiel oficialaj ŝtataj lingvoj en pluraj landoj. Pro tio ĝi ankaŭ estas unu el la ses oficialaj lingvoj de Unuiĝintaj Nacioj.

La **araba** estas unu de la tutmondaj lingvoj kun plej granda nombro de parolantoj, nome ĉirkaŭ 280 milionoj kiel unua lingvo kaj 250 milionoj kiel dua lingvo. Ĝi estas la unua oficiala lingvo en Sauda Arabio, Alĝerio, Barejno, Egiptio, Unuiĝintaj Arabaj Emirlandoj, Irako, Jordanio, Kuvajto, Libano, Libio, Maroko, Maŭritanio, Omano, Palestino, Kataro, Okcidenta Saharo, Sirio, Sudano, Tunizio kaj Jemeno. Ĝi estas parolata ankaŭ en zonoj de Ĉado, Komoroj, Eritreo, Irano, Malio, Niĝero, Senegalo, Somalia, Turkio, Ĝibutio kaj aliaj landoj. Krome, kelkaj milionoj de islamanoj loĝantaj en tre variaj landoj posedas konojn de araba, pro tio baze religiaj (ĉar la Korano estas verkita en araba). Tiele ĝi estas ceremonia lingvo de ĉirkaŭ 1.7 mil milionoj da islamanoj.^{[5][6][7]}

El 1974 ĝi estas unu de la oficialaj lingvoj de Unuiĝintaj Nacioj kune kun la angla, franca, rusa, ĉina kaj hispana.^[8]

Ortografio kaj prononco

La araba *ua'u* aperas en la franca skribo kiel *ou*, en la angla kiel *w*. La araba ĝ estas skribata en la angla kiel *j* kaj en la franca kiel *dj*.

Oni akcentas, elparolas la vortojn diverse en la arabaj landoj (ekzemple la vorto por "kamelo" estas elparolata *gamal* en Egiptio, *ĝamal* en norda Afriko kaj *ĵamal* en Arabio). Kvankam ekzistas komuna literatura lingvo, tamen la parolata lingvo estas diversforma. En la araba lingvo oni skribas nur la

konsonantojn kaj oni signas la vokalojn nur per etaj komoj (*haraka*) super aŭ sub la konsonantoj, sed tiuj signoj estas uzataj nur en la Korano, klasikaj tekstoj kaj gramatikaj libroj. Laŭ arabaj gramatikistoj ekzistas 9 vokaloj: mallongaj a, u, i; longaj a, u, i; finaĵajn an, un, in, kiuj povas esti simpligitraj ankaŭ en tri: nome a, u, i. Manko de precizaj o kaj e kondukas al malkongruoj kun aliaj lingvoj. Tiele *Usama bin Ladin* en la angla lingvo oni skribis la *i*-sonanton (Laden) per *e*, tiel la formo "Laden" disvastiĝis tramonde. Ankaŭ la manko de kelkaj okcidentaj konsonantoj kaŭzis misinterpretojn. Ankaŭ ŝanĝojn de nomo, ekzemple la helena Platono iĝas arabe "Iflatun", la latina *prae*kox iĝis albaruq, kio kondukis al "abrikoto".

ibn, abu: *ibn* signifas en la araba filo, *abu* signifas patro. Tiel se iu (Aĥmad) havas knabon (Umar) kaj patron (Karim), li povas nomiĝi Ibn Umar aŭ Abu Karim.

Rilato kun aliaj semidaj lingvoj

La araba estas tre parenca kun aliaj semidaj lingvoj, speciale kun la hebrea. Tiu parenceco konstateblas kaj en morfologi-sintakso, kaj en vortotrezoro. Krome, kelkaj teorioj asertas ke primitiva stadio de tiu lingvo estis la bazo por la formado de la antikva hebrea:



Parto de Al-Alaq – 96-a surao de la Korano – nome la unua revelacio ricevita de Muhammad.



La unua surao de la Korano.

Hispana	Araba	Hebrea
akvo	ماء (māʿ)	מים (majjim)
paco	سلام (salām)	שלום (šalōm)
patro	أب (ʿab)	אב (ʿav)
tago	يوم (jaŭm)	יום (jom)
morto	موت (maŭt)	מות (mavet)
almozo	صدقة (ṣadaqa)	צדקה (cedaka)
kapo	رأس (raʿs)	ראש (roš)
vi	أنت (ʿanta)	אתה (ʿata)
	أنت (ʿanti)	את (ʿatt)
animo	نفس (nafs)	נפש (nefeš)
domo	بيت (bajt)	בית (bet)
mi	أنا (ʿanā)	אני (ʿaní)
koro	قلب (qalb) o لب (lub)	לב (lev)
hebrea	عبرية (ʿibrija)	עברית (ʿivrit)
araba	عربية (ʿarabija)	ערבית (ʿaravit)

Gramatiko

En priskriboj de la klasika araba lingvo oni grupigas vortojn laŭ la komuna trikonsonanto, laŭ la semida maniero konstrui kaj uzi radikojn.

Vortokonstruo

Simile al aliaj semidaj lingvoj, la araba havas kompleksan kaj nekutiman morfologion (t.e. derivadon de la novaj vortoj el la baza radiko). La araba lingvo havas la nekunigan ('nonconcatenative') morfologion laŭ la skemo "radiko-kaj-skemo": la vortradiko konsistas el la aro de bazaj konsonantoj (kutime estas tri, vidu artikolon trikonsonanto), de kiuj deriviĝas aliaj vortoj laŭ antaŭdifinita skemo. Ekzemple, la vorto por "mi skribis" estis derivata de la radiko **k-t-b** ('skribi') laŭ la skemo **-a-a-tu** ('mi -is'), kio rezultiĝas en *katabtu* ('mi skribis'). Ĉiuj aliaj vortoj kun la signifo 'mi -is' kutime havos la saman deriviĝon, sed kun aliaj radikaj konsonantoj, ekzemple *qaraʿtu* ('mi legis'), *akaltu* ('mi manĝis'), *dhahabtu* ('mi iris'), kvankam ekzistas ankaŭ esceptoj, kiel *šaribtu* ('mi trinkis'), *qultu* ('mi diris'), *takallamtu* ('mi parolis'), kie oni uzas alian skemon por derivi la pasintan tempon, sed la sufikso *-tu* estas ĉiam uzata.

De la simpla radiko **k-t-b**, oni povas derivi plurajn vortojn per apliko de diversaj skemoj:

- *katabtu* -- 'mi skribis'
- *kattabtu* -- 'mi estis skribinta (ion)'
- *kātabtu* -- 'mi korespondis (kun iu)'
- *aktabtu* -- 'mi diktis'
- *iktatabtu* -- 'mi abonis'
- *takātabnā* -- 'ni (inter)korespondis'
- *aktubu* -- 'mi skribis'
- *ukattibu* -- 'mi skribis (ion)'
- *ukātibu* -- 'mi korespondas (kun iu)'
- *uktibu* -- 'mi diktas'
- *aktatibu* -- 'mi abonas'
- *natakātabu* -- 'ni (inter)korespondas'
- *kutiba* -- 'skribita'
- *uktiba* -- 'diktita'
- *maktūb* -- 'skribaĵo'
- *muktab* -- 'diktaĵo'
- *kitāb* -- 'libro'
- *kutub* -- 'libroj'
- *kātib* -- 'verkisto'
- *kuttāb* -- 'verkistoj'
- *maktab* -- 'skribotablo, oficejo'
- *maktabah* -- 'librejo'
- ktp

The diagram illustrates the correspondence between Arabic letters and their phonetic values in different contexts. It shows how the same letter can have different sounds depending on its position (beginning, middle, end) and the surrounding letters. For example, the letter 'kaf' (ك) can be pronounced as /k/ or /q/ depending on the context. The diagram uses color-coded boxes to represent these different phonetic values and shows how they combine to form words.

Ekzemploj de la arabaj sistemo de derivado.

Nomoj kaj adjektivoj

Nomoj en literatura araba havas tri gramatikajn kazojn (nominativo, akuzativo, kaj genitivo [ankaŭ uzata kiam la nomo estas regata de prepozicio]); tri nombrojn (singulara, duala kaj plurala); du genrojn (maskuleno kaj femineno); kaj tri "statojn" (nedifinita, difinita, kaj konstrukta). La kazoj de singularaj nomoj (krom tiuj kiuj finas en longa ā) estas indikataj de sufiksaj mallongaj vokaloj (/u/ por nominativo, /a/ por akuzativo, /i/ por genitivo).

La feminena singularo estas ofte markata pere de /-at/, kiu estas limigita al /-ah/ aŭ /-a/ antaŭ paŭzo. Pluralo estas indikata ĉu pere de finaĵoj (sonpluralo) aŭ de interna modifo (rompita pluralo). Difinitaj nomoj estas ĉiuj propraj nomoj, ĉiuj nomoj en "konstrukta stato" kaj ĉiuj nomoj kiuj havas kiel prefikson la difinitan artikolon /al-/. Nedifinitaj singularaj nomoj (krom tiuj kiuj finas en longa ā) aldonas finan /-n/ al la kaz-markaj vokaloj, kio donas /-un/, /-an/ aŭ /-in/ (kio estas referencata ankaŭ kiel nunacio aŭ rekte en la araba kiel *tanūīn*).

Adjektivoj en literatura araba estas markataj de kazo, nombro, genro kaj stato, kiel por nomoj. Tamen, la pluralo de ĉiuj nehomaj nomoj estas ĉiam kombinata kun singulara feminena adjektivo, kiu havas sufikson /-ah/ aŭ /-at/.

Pronomoj en literatura araba estas markataj de persono, nombro kaj genro. Estas du variantoj, sendependaj pronomoj kaj enklitikaj. Tiuj lastaj estas ligitaj al la finaĵo de verbo, nomo aŭ prepozicio kaj indikas verbajn kaj prepoziciajn objektojn aŭ posedon de nomoj. La unua-persona singulara pronomo havas diferencon enklitikan formon uzata por verboj (/ni/) kaj por nomoj aŭ prepozicioj (/ī/ post konsonantoj, /ja/ post vokaloj).

Nomoj, verboj, pronomoj kaj adjektivoj kongruas unu kun aliaj en ĉiuj rilatoj. Tamen, ne-homaj pluralaj nomoj estas gramatike konsiderataj feminenaj singularaj. Krome, verbo en verb-komenca frazo estas markata kiel singulara senkonsidere al sia semantika nombro kiam la subjekto de la verbo estas eksplicite

The table shows the basic Arabic alphabet, listing the letters in their Arabic script, their phonetic values, and their corresponding Latin letters. The letters are arranged in a grid, with the first row showing the letters from alif to ba, and the second row showing the letters from daal to kaf. The phonetic values are given in a simplified form, and the Latin letters are given in a simplified form.

خ	ح	ج	ث	ت	ب	أ
kha'	h'aa'	jiim	thaa'	taa'	baa'	alif
ص	ش	س	ز	ر	ذ	د
saad	shiin	siin	zaay	raa'	thaal	daal
ق	ف	غ	ع	ظ	ط	ض
qaaf	feh'	ghayn	'ayn	thaa	Taa'	daad
ي	و	ه	ن	م	ل	ك
yaa'	waaw	haa	nuun	miim	laam	kaaf


Baza araba alfabeto.

menciata kiel nomo. Numeraloj inter tri kaj dek montras "híasman" kongruon, en tio ke la gramatike maskulenaj numeraloj havas feminenan markilon kaj inverse.

Dialektoj de la araba lingvo

 Pli detalaj informoj troveblas en artikolo Arabaj dialektoj.

Parola araba estas la super-termino por ĉiuj parolataj dialektoj de la araba kiuj estas uzataj en t.n. 'Araba mondo', kaj kiuj draste malsamiĝas de la skriba lingvo. La ĉefa klasifiko de la dialektoj estas tiuj, kiuj estas parolataj ene de la Araba duoninsulo kaj ekster ĝi. Krome aparte staras la pli konservativaj arabaj dialektoj de Beduenoj. Ĉiuj variantoj de la araba parolataj ekster la duoninsulo (kaj kiuj konsistigas la grandan parton de la parolantaro) havas multajn komunajn trajtojn, kiuj ne ekzistas en la klasika araba lingvo. Pro tio lingvistoj opinias, ke la prestiĝa dialekto "koine" aperis en kelkaj landoj ĉ. 100-200 jarojn post la araba konkero, kies trajtoj poste disvastiĝis al la ĉiuj nov-konkeritaj landoj. (Tiuj trajtoj ekzistas en diversa grado en ĉiuj dialektoj ekster la duoninsulo. Fakte, la en-duoninsulaj dialektoj havas multe pli da diverseco, ol la ekster-duoninsulaj, sed tiu temo ne estas detale pristudita).



Dialektoj de la araba lingvo.

Koncerne la ekster-duoninsulaj dialektoj, la plej granda diferenco estas inter la ne-egiptiaj nord-afrikaj dialektoj (precipe la araba lingvo de Maroko) kaj la aliaj. La Maroka varianto estas speciale apenaŭ komprenebla por parolantoj de la araba el Libio (sed ne inverse, parte pro populareco de filmoj kaj aliaj mediaĵoj el Egiptio).

Unu faktoro kiu spronis la diversiĝon de la dialektoj estis la lingvo, kiun oni parolis antaŭ la araba en ĉiu lando: tiuj lingvoj servas kiel fonto de diversaj vortoj, propraj por ĉiu dialekto, kaj krome influis la prononcon kaj eĉ la vorto-ordon. Sed la plej grava faktoro estas, simile al la latinidaj lingvoj, la malapero (aŭ ŝanĝo de la sencoj) de multaj klasikaj formoj. Tiam la Iraka *aku*, Levantenia *fih* kaj la Nordafrika *kayən* ĉiuj signifas 'oni havas' (=estas), kaj ĉiuj devenas de la formoj en la klasika araba lingvo (*yakūn*, *fīhi*, *kā'in*), sed nun sonas tre malsame.

La egipt-araba dialekto aŭ *masra lingvo* estas parolata en Egiptio de 78 milionoj da parolantoj, certe la plej parolata dialekto de la araba. Temas pri karakteriza kaj kulture grava dialekto de la araba lingvo. Ĝia ISO-kodo estas arz. Ekzistas Vikipedio en la egipt-araba lingvo. Krome ekzistas en nordorienta Egiptio la Nordokcidenta araba.

La Golfa araba aŭ *ħalijja* (el la klasika araba خليجي *ħaliĝī*, golfarabe [xæ'liːdʒiː] aŭ اللهجة الخليجية *al-lahǧah al-ħaliĝiyyah* [æl'laħdʒæ l.xæ'liːdʒiː]) estas vario de la araba etendita tra la marbordaj regionoj de la Persa Golfo kaj de kelkaj partoj de la interno de la Araba duoninsulo. Ĝi estas la parola lingvo uzata en Kuvajto, oriento de Sauda Arabio, Barejno, Kataro, Unuiĝintaj Arabaj Emirlandoj, Omano kaj sudoriento de Irano.^[9] Lingve ĝi estas konsiderata proksima al la araba de Naĝdo. Ene de la Golfa araba, la araba de Barejno kaj la omana araba montras la plej grandajn diferencojn pri koresponda interkompreneblo, pro kio ofte ili estas referencataj kiel sendependaj varioj. Ĝi estas parolata de 6.8 milionoj da parolantoj (2016).^[10]

Ekzemploj de dialektoj

La transskribo estas farita laŭ Internacia Fonetika Alfabeto, malgrandaj malsamiĝoj estas neglektitaj.

Dialekto	Mi tre ŝatas legi	Kiam mi venis al biblioteko	Mi ne trovis tiun malnovan libron	Mi volis legi la libron pri historio de virina movado en Francio
Skribita en literatura araba lingvo (dialektoj povas havi alian skribmanieron/ortografion)	أَحَبُّ الْقُرْءَانِ كَثِيرًا	عِنْدَمَا ذَهَبْتُ إِلَى الْمَكْتَبَةِ	لَمْ أَجِدْ هَذَا الْكِتَابَ الْقَدِيمَ	كُنْتُ أُرِيدُ أَنْ أَقْرَأَ كِتَابًا عَنْ تَارِيحِ الْمَرْأَةِ فِي قَرْنِنَا
Klasika araba lingvo (uzata nur en religio kaj poezio)	ʔuħib: u l-qirˤa: ʔata kaθi:rˤa:	ʕindama: ðahabətu ʔila: l-maktabah	lam ʔaʒidu ha: ða: l-kita: ba l-qadi: m	kuntu ʔuri: du ʔan ʔaqərˤaʔa kita: ban ʕan ta: ri: xi l-marˤ ʔati fi: farˤansa:
Moderna uzo de la araba	ʔuħib: al-qira: ʔa kaθi: ran	ʕindama(:) ðahabtu ʔila: l-maktaba	lam ʔaɖʒid ha: ða(:) l-kita: b al-qadi: m	kuntu ʔuri: du ʔan ʔaqraʔ kita: b ʕan ta: ri: x al-marʔa fi: faransa(:)
Jemena dialekto (Sanaa)	' ʔana bajn a 'ħibb el-ge 'ra: je 'gawi	' law ma 'sert sa 'la: el- 'maktabe	ma le 'ge: t-ʃ 'ðajje al-ke 'ta: b el-ga 'di: m	kont 'aʃti ' ʔagra ke 'ta: b ʕan ta 'ri: x al- 'mare wastˤ fa 'ra: nsa
Kuvajta dialekto (Kuvajto)	ʔa: na wa: yid aħibb agra:	lamman riħt il-maktaba	ma li ge: t hal kita: b il-gadi: m	kint abi: agra kita: b ʕan tari: x il-ħari: m ib faransa
Mezopotamia dialekto (Bagdado)	' a: ni a 'ħibb el-q 'ra: ja 'kullif	' lamman 'reħit lel-maktaba	ma li 'ge: t ha: ða l-keta: b al-qadi: m	redet agra keta: b ʕan tari: x al-niswan eb-fransa
Hijazia dialekto (Medino)	' ana marra a 'ħubb al-gira: ja	' lamma ruħt al- 'maktaba	ma ligi: t ha: da l-kita: b al-gadi: m	kunt abya agra kita: b ʕan tari: x al-ħari: m fi faransa
Okcidenta (Siria) dialekto (Damasko)	ʔana kti: r b'ħəbb lə- ʔra: je	' lamma 'rəħt ʕal- 'maktabe	ma la ʔe: t ha-l-ək 'ta: b lə-ʔ 'di: m	ka: n 'baddi ʔra kta: b ʕan ta 'ri: x əl- 'mara bə- 'fra: nsa
Libana dialekto (Beiruto)	kti: r bħibb il- ʔi 're: je	' lamma 'reħit ʕal- 'maktabe	ma l ʔe: t ha-l-ik 'te: b le-ʔ 'di: m	ke: n 'baddi ʔra kte: b ʕan te 'ri: x il- 'mara bi- 'fra: nsa
Palestina dialekto (Jerusalemo)	' ʔana ba'ħəbb l- ə ʔra: je kti: r	' lamma 'ruħət ʕal- 'maktabe	ma la ' ʔe: t ə ʃ ha-l-ək 'ta: b əl-ʔa 'di: m	ka: n 'beddi ' ʔa ʔra kta: b ʕan ta 'ri: x əl- 'mara fi f'ransa
Palestina dialekto de okcidenta parto	' ʔana ba'ħəbb l- ə k'ra: je kθi: r	' lamma 'ruħət ʕal- 'matʃtabe	ma la 'ke: t ə ʃ ha-l-ətʃ 'ta: b əl-ka 'di: m	ka: n 'beddi ' ʔakra tʃta: b ʕan ta 'ri: x əl- 'mara fi f'ransa
Egiptia dialekto (ĉefa)	ana bæħəbb el- ʔera: jæ ʔawi	' læmmæ 'roħt el-mæk 'tæbæ	ma-l ' ʔet-ʃ l-ke 'tæ: b el-ʔæ 'di: m dæ	' ænæ 'kont-e ' ʕæwz- 'a ʔra k 'tæ: b ʕæn tæ 'ri: x el-set 'ta: t fe fæ 'rænsæ
Libia dialekto (Tripoli)	ana nħəb il-gra: ja halba	lamma mʃe: t lil-maktba	malge: tiʃ ha-li-kta: b læ-gdi: m	kunt nibi nagra kta: b ʔle: tari: x ə-nsawi: n fi fra: nsa
Tunizia dialekto (Tunizo)	nħib liqra: jæ barʃæ	wæqtilli mʃi: t liImæktbæ	mæl-qi: tʃ hæ-likte: b liqdi: m	kunt nħib næqræ kte: b ʕlæ terix liMræ fi fra: nsæ
Alĝeria dialekto (Alĝerio)	e: na nħəbb l-gra: ja bezzef	ki ruħt l il-maktaba	ma-lqi: t-ʃ ha l-kte: b l-qdi: m	kunt ĥa: b naqra kte: b ʕala tari: x l-mra fi fra: nsa
Maroka dialekto (Rabat)	ana ʕziz ʕlija bzzaf nqra	melli mʃit l-lmaktaba	ma-lqi: t-ʃ had l-ktab l-qdim	kent bayi nqra ktab ʕla tarix l-mra f-fransa
Malta dialekto (Valletta)	inħop: ne ʔre ħefne	mete mort il-librerije	me sibtf den il-ktiep ʔedim	ridt ne ʔre ktiep dwer l-istorje tel-mere fi frentse
Malta dialekto (Valletta) (laŭ Malta ortografio)	Inħobb naqra ĥafna.	Meta mort il-librerija	Ma sibtx dan il-ktieb qadim.	Ridt naqra ktieb dwar l-istorja tal-mara fi Franza.

Variantoj

 Pli detalaj informoj troveblas en artikoloj [Klasika araba](#) kaj [Moderna normiga araba](#).

La klasika araba

La **klasika araba**, nomata ankaŭ *klera araba*, en araba العربية الكلاسيكية *al-ʿarabiyya al-kalāsīkiyya* aŭ *korana araba*, estas varianto de la araba lingvo. La klasika araba estas la formo de la araba lingvo uzata en la tekstoj de Umajidoj kaj Abasidoj (7-a al 9-a jarcentoj). Ĝi estas bazata en la mezepokaj dialektoj de la arabaj triboj. La moderna normiga araba estas rekta derivaĵo de la lingvo uzata moderne tra la tuta araba mondo, uzata en la skribado kaj la formala parola lingvo, por ekzemplo, por kelkaj diskursoj kaj radiaj elsendaĵoj. Dum la stilistiko kaj la vortotrezoro de la moderna normiga araba estas distinga de la klasika araba, la morfologio kaj la sintakso plurestis fundamente senŝanĝe. La lokaj dialektoj, tamen, pli draste ŝanĝiĝis. En la araba mondo oni faras malgrandan distingon inter la klasika araba kaj la moderna normiga araba, ambaŭ estas nomataj al-fuṣḥā (الفصحى) en araba signife *elokventa*.



Flago de la Araba Ligo, kies ŝtatoj membroj havas la modernan normigan araban lingvon kiel oficiala lingvo.

La post-klasika araba

La **post-klasika araba** estis la evoluo de la klasika araba post la Islama ekspansio. La Korano, nome la unua literatura teksto verkita en klasika araba, estas komponita per lingvaĵo tre identa al tiu de la antikva poezio. Post la disvastigo de Islamo ĝi iĝis la ceremonia lingvo de islamanoj kaj ankaŭ la lingvo de la instruado kaj de la administracio. La pliigo de popoloj nearabaj kiuj partoprenis de la novaj kredoj unuflanke kaj de la volo de la islamanoj protekti la purecon de la revelacio aliflanke, kondukis al establado de gramatikaj normigoj kaj de la instituciigo de la instruado de la lingvo.

La disvolvigo de gramatikaj normigoj okazis en la 8-a jarcento, kun procezo de unuigo kaj de normigo de la klera lingvo. Esprimoj kaj formoj propraj de la poezio en la periodoj kaj antaŭ-islama kaj fru-islama, same kiel de la Korano, malaperis el la prozo dum la dua duono de la 8-a jarcento. Post la kreado de klasika normiga araba fare de la arabaj gramatikistoj, la lingvo restis baze nevariebla en sia morfologio kaj sintaksa strukturo, iĝante la klera lingvo de la islama mondo.



Paĝo de la Korano kun voĉomarkiloj kaj kufa kaligrafio.

En sia normiga formo, la klasika araba estis adoptita ankaŭ, krom de la islamaj edukitaj elitoj, fare de aliaj religiaj minoritatoj, kiel judoj kaj kristanoj. Tamen, la gepatra lingvo dekomence estis jam tre diferenca de la klasika araba, kiu iĝis lingvo de erudicio kaj literaturo eĉ en la arabparolantaj regionoj. Tiu lingva situacio, en kiu du variantoj diferencaj ene de la sama lingvo, nome unu malalta kaj alia alta, kunvivas, laŭ kiu nomiĝis diglosio. La demando pri kiam okazis tiu diglosio en la arabparolanta komunumo estas tre polemika. La araba tradicia koncepto estas ke ĝi okazis en la unua jarcento de la islama epoko, kiel rezulto de la arabaj konkeroj, kiam la nearaboj ekparolis araban; aliaj male venas al la konkludo ke la diglosio estas fenomeno antaŭislama. Dum multaj jarcentoj la instruado de la araba estis sub la dominado de la islamaj saĝuloj, kaj ne tiom intervenis judoj kaj kristanoj, kiuj ne kunhavis plene la filologian fakulecon.

La moderna normiga araba

La **moderna normiga araba lingvo** (arabe اللغة العربية الفصحى *al-lughah al-‘Arabīyah al-fuṣṣḥá*, "la plej elokventa araba lingvo") estas varianto de la klera komuna araba kiu disvolviĝis el la literatura renaskiĝo Nahda kiu estis vivita en la Araba Mondo el komenco de la 19-a jarcento. La literatura araba aŭ moderna normiga naskiĝis el la klopodo farita ĉefe en la orienta zono de Maŝreko por revivigi la kleran lingvon (kies klera nivelo estis multe plialtiĝinta el la klasika epoko) kaj por eviti la kompletan lingvan fragmentiĝon de la araboj en komunumoj kiuj estus perdintaj kapablon interkompreniĝi (arabaj dialektoj).

Ekzemploj de ĉiutagaj esprimoj

Esperante	Arabe	Transskribo		Internacia Fonetika Alfabeto
		ALA-LC-transskribo	DIN31635-transskribo	
Esperanto	إسپرانتو	ispirāntū	ispirāntō	/esperanto, esberanto/
Angla	الإنكليزية	al-inglīzīyah	al-inglīziyyah	/aling(i)li : zijja/
Jes	نعم	na'am	na ' am	/naʕam/
Ne	لا	lā	lā	/la : /
Saluton	مرحباً	marḥaban	marḥaban	/marḥaban/
Bonvenon	أهلاً	ahlan	' ahlan	/ahlan/
Ĝis revido	مع السلامة	ma'a s-salāmah	ma ' a s-salāmah	/maʕa ssala : ma/
Bonvolu	أرجوك	arjūk	' arġūk	/ʔar(d)ʒu : k, ʔargu : k/
Dankon	شكراً	shukran	šukran	/ʃukran/
Ne dankinde	عفواً	' afwan	' afwan	/ʕafwan/
Mi pardonpetas	آسف	āsif	' āsif	/ʔa : sif/
Kia estas via nomo?	ما اسمك؟	māsmuk(a/i)?	māsmuk(a/i)?	/masmuk(a, i)/
Kiom?	كم؟	kam?	kam?	/kam/
Mi ne komprenas.	لا أفهم	lā afham	lā ' afham	/la : ʔafham/
Mi ne parolas arabe.	لا أتكلم العربية	lā atakallamu al-' arabīyah	lā ' atakallamu al-' arabiyyah	/la : ʔatakallam ulʕarabijja/
Mi ne scias.	لا أعرف	lā a'rif	lā ' a ' rif	/la : ʔaʕrif/
Mi malsatas.	أنا جائع	anā jā'i'	' anā ġā ' i '	/ʔana : (d)ʒa : ʔiʕ, ga : ʔiʕ/
Oranĝa	برتقالي	burtuqālī	burtuqālī	/burtuqa : li : /
Nigra	أسود	aswad	' aswad	/ʔaswad/
Unu	واحد	wāḥid	wāḥid	/wa : ḥid/
Du	اثنان	ithnān	iṭnān	/iθna : n/
Tri	ثلاثة	thalāthah	ṭalāṭah	/θala : θa/
Kvar	أربعة	arba'ah	' arba ' ah	/ʔarbaʕa/
Kvin	خمسة	kamsah	ḥamsah	/xamsa/

Socia uzado

En la regionoj kie oni parolas la araban lingvon okazas la pekuliareco de la diglosio. La termino *diglosio* referencas al la fakto ke unu lingvo havas du bazajn variantojn kiuj kunvivas unu flanke de alia, realigante ĉiu funkciojn diferencajn. Probable tiu estas universala lingva fenomeno, kvankam en araba estas fakto kiu kunigas la tutan araban mondon. Escepte ĉe la parolantoj de kipra araba, malta kaj de la plej parto de la variantoj de ĝuba kaj de ĉada, tiu karaktero estas komuna al la ceteraj parolantoj de araba kaj probable ĉar devenas de la periodo antaŭ-islama.

La diglosio konstateblas en la fakto ke oni uzas la kolokvan varianton por la ĉiutaga vivo kaj la modernan normigan araban en la lernejo; ĝenerale la moderna normiga araba estas uzata en verkitaj tekstoj, predikoj, universitataj tezoj, politikaj diskursoj, radiaj kaj televidaj programoj pri novaĵoj, dum la kolokva estas uzata kun la familio kaj geamikoj, kvankam ankaŭ en aliaj kelkaj radiaj kaj televidaj programoj. La moderna normiga araba lingvo estas la markilo de tutarabismo, ĉar inter kelkaj dialektoj de la araba estas alta grado de nekompreneblo, kiel inter la marokaj kaj la iraka. En 2016 Gambio deklaris la araban kiel nova oficiala lingvo anstataŭanta la anglan. Inter la tutmonde multaj amaskomunikiloj arablingvaj elstarigindas ekzemple la gazeto Al-Hajat kaj la televida kanalo Al-Ĝazira.

Pruntovortoj

En Esperanto ekzistas multaj vortoj de araba deveno, sed ili ne devenas rekte el la araba, sed tra aliaj lingvoj, ĉefe latinidaj kiuj estis en kontakto kultura kun la araba aŭ tra aliaj eŭropaj aŭ aziaj lingvoj. Ekzemple estas la jenaj: abrikoto, admiralo, algoritmo, alkoholo, cifero, gazelo, ĝirafo, haremo, hazardo, kafo, kotono, limono, lilako, magazeno, masko, matraco, mumio, nadiro, oranĝo, siropo, spinaco, sukero, zenito.


Aliaj vortoj eniris rekte al Esperanto dum la 20-a jarcento same kiel al aliaj lingvoj. Ekzemple estas la jenaj: Magrebo, Maŝreko, Ĝihadismo, Ŝijajismo, Sunaismo, kaj multaj rilataj al geografio aŭ al graveco de la islama potenco.

Arabigo


 Pli detalaj informoj troveblas en artikolo Arabigo.

Post la elstariĝo de Islamo en Heĝazo, kaj la araba kulturo kaj la araba lingvo etendiĝis pere de konkero, komerco kaj intergeedzeco inter membroj de ne-arabaj lokaj loĝantaroj kaj araboj - en Egipto, Sirio, Palestino, Sudano kaj Tunizio. La araba lingvo iĝis komuna tra tiuj areoj; ankaŭ dialektoj formiĝis. Kvankam Jemeno estas tradicie konsiderita hejmlando de araboj, ĉefe^{[11][12]} de jemena loĝantaro kiu fakte ne parolis arabe (sed anstataŭe sudsemidajn lingojn) antaŭ la etendo de Islamo. La influo de la araba estis ankaŭ profunda en multaj aliaj landoj, kies kulturoj estis influitaj de Islamo. Araba estis ĉefa fonto de vortotrezoro por lingvoj tiom diversaj kiom Berbera, Indonezia, Tagaloga, Malaja, Malta, Persa, Panĝaba, Sinda, Somalia, Svahila, Turka, Urdua, Hinda, Bengala same kiel aliaj lingvoj en landoj, kie tiuj lingvoj estas parolataj; procezo kiu atingis sian plej altan punkton en la 10-a al la 14-a jarcentoj, nome la alta pinto de araba kulturo, kaj kvankam multaj arabaj vortoj forfalis el uzado ekde tiam, multaj ankoraŭ restas uzataj.

Bildaro




Araba alfabeto.




Araba kiel oficiala lingvo.



Versoj de la Korano en klasika araba.



Arablingva Korano kun interlinia persa traduko el la epoko de Ilĥanlando.



Versoj 33-a kaj 34-a de suraro *Yā Sīn* kun ĉina traduko de la Korano.

Referencoj

1. ^{1,0 1,1} Arabic, Standard - Ethnologue (<http://www.ethnologue.com/language/arb>), laŭ la stato de 23-a Januaro 2016.
2. [↑] "World Arabic Language Day". UNESCO. 18-a de decembro 2014. [1] (<http://www.unesco.org/new/en/unesco/events/prizes-and-celebrations/celebrations/international-days/world-arabic-language-day/>) Alirita la 24-an de marto 2017.
3. [↑] "Al-Jallad. The earliest stages of Arabic and its linguistic classification (Routledge Handbook of Arabic Linguistics, forthcoming)". [2] (https://www.academia.edu/18470301/Al-Jallad._The_earliest_stages_of_Arabic_and_its_linguistic_classification_Routledge_Handbook_of_Arabic_Linguistics_forthcoming_) Alirita la 24-an de marto 2017.
4. [↑] Brustad, Kristen E., "The Syntax of Spoken Arabic – A comprehensive study of Moroccan, Egyptian, Syrian and Kuwaiti dialects", ISBN 0-87840-789-8, Georgetown University Press, Washington 2000, paĝo 363
5. [↑] "Christianity 2015: Religious Diversity and Personal Contact" (PDF). gordonconwell.edu. Januaro 2015. [3] (<http://www.gordonconwell.edu/resources/documents/1IBMR2015.pdf>) Alirita la 24-an de marto 2017.
6. [↑] "Executive Summary". Future of the Global Muslim Population. Pew Research Center. [4] (<http://www.pewforum.org/2011/01/27/the-future-of-the-global-muslim-population/>) Alirita la 24-an de Marto 2017.
7. [↑] "Table: Muslim Population by Country | Pew Research Center's Religion & Public Life Project". Features.pewforum.org. 2011-01-27. [5] (<http://www.pewforum.org/?sort=Pop2030>)

Alirita la 24-an de marto 2017.

8. ↑ "UN official languages". Un.org. [6] (<http://www.un.org/en/sections/about-un/official-language-s/>) Alirita la 24-an de marto 2017.
9. ↑ McCarus, Hamdi A. Qafisheh ; (1977). «Introduction». A short reference grammar of Gulf Arabic (en angla). Tucson, Ariz.: University of Arizona Press. p. xvii. ISBN 0-8165-0570-5.
10. ↑ Gulf Arabic (<https://www.ethnologue.com/19/language/afb/>) en *Ethnologue* (19a eld., 2016)
11. ↑ Nebes, Norbert, "Epigraphic South Arabian," in Uhlig, Siegbert, eld. *Encyclopaedia Aethiopica* (Wiesbaden: Harrassowitz Verlag, 2005), p. 335
12. ↑ Leonid Kogan kaj Andrey Korotayev: Sayhadic Languages (Epigraphic South Arabian) // Semitic Languages. London: Routledge, 1997, p[. 157-183.

Literaturo

- Bradley Kendal, La araba, Monato, n-ro 1993/11, paĝo 20
- Esperanto-araba lernolibro. N. Isaac. Lerniloj, vortaroj / araba. 68 paĝoj.
- Klara vortaro Esperanta-araba. Georgo Abraham. Lerniloj, vortaroj / araba. UEA. Rotterdam. 1998.
- Fouad Laroui, Le drame linguistique marocain, Zellige, 2011, 188 paĝoj (pri la araba en Magrebo)^[1]

Bibliografio en aliaj lingvoj

- Bateson, Mary Catherine (2003), Arabic Language Handbook, Georgetown University Press, ISBN 0-87840-386-8
- Busquets Mulet, Jaime, Gramática elemental de la lengua árabe, Kvina eldono, Palma de Mallorca, 1970.
- Durand, Olivier; Langone, Angela D.; Mion, Giuliano (2010), Corso di Arabo Contemporaneo. Lingua Standard, Milano: Hoepli, ISBN 978-88-203-4552-5
- Gregersen, Edgar A. (1977), Language in Africa, CRC Press, ISBN 0-677-04380-5
- Grigore, George (2007), L'arabe parlé à Mardin. Monographie d'un parler arabe périphérique, Bucharest: Editura Universitatii din Bucuresti, ISBN 978-973-737-249-9
- Hanna, Sami A.; Greis, Naguib (1972), Writing Arabic: A Linguistic Approach, from Sounds to Script, Brill Archive, ISBN 90-04-03589-3
- Haywood; Nahmad (1965), A new Arabic grammar, London: Lund Humphries, ISBN 0-85331-585-X
- Hetzron, Robert (1997), The Semitic languages (Ilustracia eld.), Taylor & Francis, ISBN 978-0-415-05767-7
- Kaplan, Robert B.; Baldauf, Richard B. (2007), Language Planning and Policy in Africa, Multilingual Matters, ISBN 1-85359-726-0
- Kaye, Alan S. (1991), "The Hamzat al-Waṣl in Contemporary Modern Standard Arabic", Journal of the American Oriental Society, American Oriental Society, 111 (3): 572–574, doi:10.2307/604273, JSTOR 604273
- Lane, Edward William (1893), Arabic–English Lexicon (2003 repres. eld.), New Delhi: Asian Educational Services, ISBN 81-206-0107-6 [7] (<http://www.studyquran.co.uk/LLhome.htm>) Alirita la 24-an de marto 2017.
- Lipinski, Edward (1997), Semitic Languages, Leuven: Peeters
- Mion, Giuliano (2007), La Lingua Araba, Rome: Carocci, ISBN 978-88-430-4394-1
- Mumisa, Michael (2003), Introducing Arabic, Goodword Books, ISBN 81-7898-211-0

- Procházka, S. (2006), ""Arabic"", Encyclopedia of Language and Linguistics (2-a eld.)
- Steingass, Francis Joseph (1993), Arabic–English Dictionary, Asian Educational Services, ISBN 978-81-206-0855-9 [8] (https://books.google.es/books?id=3JXQh09i2JwC&redir_esc=y&hl=es) Alirita la 24-an de marto 2017.
- Suileman, Yasir. Arabic, Self and Identity: A Study in Conflict and Displacement. Oxford University Press, 10-a de aŭgusto 2011. ISBN 0-19-974701-6, 978-0-19-974701-6.
- Thelwall, Robin (2003). "Arabic". Handbook of the International Phonetic Association a guide to the use of the international phonetic alphabet. Cambridge, UK: Cambridge. ISBN 0-521-63751-1.
- Traini, R. (1961), Vocabolario di arabo, Rome: I.P.O., Harassowitz
- Vaglieri, Laura Veccia, Grammatica teorico-pratica della lingua araba, Rome: I.P.O.
- Versteegh, Kees (1997), The Arabic Language, Edinburgh University Press, ISBN 90-04-17702-7
- Watson, Janet (2002), The Phonology and Morphology of Arabic, New York: Oxford University Press, ISBN 0-19-824137-2
- Wehr, Hans (1952), Arabisches Wörterbuch für die Schriftsprache der Gegenwart: Arabisch-Deutsch, Harassowitz, ISBN 3-447-01998-0
- Wright, John W. (2001), The New York Times Almanac 2002, Routledge, ISBN 1-57958-348-2

Vidu ankaŭ

- Arabaj variantoj
- Araba alfabeto
- Araba muziko
- Arabigo
- Arablingva literaturo
- Arabskriba kaligrafio
- Araba skribmaniero
- Araba transliterumo de esperanto
- Arabaj personaj nomoj
- Arablingva literaturo
- Araboj
- Esperantigo de vortoj el araba fonto
- Influo de la araba en la hispana lingvo
- Islamaj terminoj
- Tutarabismo

Eksteraj ligiloj

- <http://www.nicoweb.com/sirpus> La Araba legado kaj skribado per MP3
- <http://ar.wikipedia.org> Araba Vikipedio
- Traduka laborgrupo por esperanto el kaj al la araba (<http://fr.groups.yahoo.com/group/ar-eo-tra dukado/>).
- Araba klavaro (<http://www.myarabickeyboard.net>)
- pri la Sudaraba skribo en Esperanto (<http://skrib01.free.fr/dosieroj/sk57eo.htm>)
- E-arabaj vortaroj (<https://uea.org/dokumentoj/bib/araba.html>)

- Genetic Evidence for the Expansion of Arabian Tribes into the Southern Levant and North Africa (<http://www.ncbi.nlm.nih.gov/pmc/articles/PMC379148/>)
 - *En tiu ĉi artikolo estas uzita traduko de teksto el la artikolo Idioma árabe (<https://es.wikipedia.org/w/index.php?title=Idioma+%C3%A1rabe&oldid=97751731>) en la hispana Vikipedio.*
 - 1. [↑] (fr) Mustapha Harzoune, "Fouad Laroui, *Le Drame linguistique marocain* (<https://journals.openedition.org/hommesmigrations/959>)", Hommes et migrations, n-ro 1300 (2012).
-

Elŝutita el "https://eo.wikipedia.org/w/index.php?title=Araba_lingvo&oldid=6938323"

Ĉi tiu paĝo estis lastafoje redaktita je 16:39, 13 apr. 2020.

La teksto disponeblas laŭ la permesilo Krea Komunaĵo Atribuite-Samkondiĉe 3.0 Neadaptita; eble aldonaj kondiĉoj aplikeblas. Vidu la uzkondiĉojn por detaloj.